

Na osnovu člana člana 39. Statuta općine Čelić („Službeni glasnik općine Čelić“ broj: 3/2017), Budžeta općine Čelić za 2021. godinu („Službeni glasnik općine Čelić“ broj:2/21), člana 26. Odluke o izvršenju Budžeta općine Čelić za 2021. godinu Službeni glasnik općine Čelić“ broj:2/21), općinski načelnik d o n o s i:

## **O D L U K U**

### **o uslovima i načinu za ostvarivanje prava na jednokratnu novčanu pomoć majci/porodilji novorođenog djeteta**

#### **Član 1.**

Ovom Odlukom utvrđuju se uslovi i način za ostvarivanje prava na jednokratnu novčanu pomoć majci/porodilji, postupak utvrđivanja prava, nadležni organ koji odlučuje o pravu i izvoru sredstava potrebnih za jednokratnu novčanu pomoć.

#### **Član 2.**

Pravo na jednokratnu novčanu pomoć po ovoj Odluci imaju majke/porodilje novorođenog djeteta u 2021. godini koje imaju prebivalište na području općine Čelić.

#### **Član 3.**

Jednokratna novčana pomoć dodjeljivat će se majci/porodilji nakon upisa novovrođenog djeteta u matičnu knjigu rođenih i to u iznosu od: 400,00 KM (slovima: četiristotine konvertibilnih maraka) za treće i svako sljedeće novorođeno dijete.

#### **Član 4.**

O pravu za ostvarivanje jednokratne novčane pomoći majci/porodilji novorođenog djeteta odlučuje Općinski načelnik na prijedlog Službe za opću upravu, društvene djelatnosti i boračka pitanja općine ( u daljem tekstu: nadležna služba).

#### **Član 5.**

Zahtjev za ostvarivanje prava na jednokratnu novčanu pomoć sa potrebnom dokumentacijom dostavlja se nadležnoj službi u roku od 90 dana od dana upisa novorođenčeta u matičnu knjigu rođenih.

Uz zahtjev se prilaže:

- Ovjerene kopije izvoda iz matičnih knjiga rođenih za djecu,

- CIPS-ova potvrda o prebivalištu majke,
- Ovjerena kopija lične karte,
- Žiro račun podnosioca zahtjeva,

Nadležna služba iz člana 4. ove Odluke dužna je, u roku od 15 dana od dana podnošenja zahtjeva, prijedlog Odluke dostaviti Općinskom načelniku na potpisivanje.

#### Član 6.

Novčana sredstva iz člana 3. ove Odluke će biti isplaćena korisniku prava iz Budžeta općine Čelić za 2021. godinu, a na osnovu odluke koju donosi Općinski načelnik.

#### Član 7.

Novčana sredstva za realizaciju ove Odluke planirana su u Budžetu općine Čelić za 2021. godinu na poziciji –Ostale isplate pojedincima –rođenje trećeg djeteta, ekonomski kod 614229.

#### Član 8.

Za realiaciju ove Odluke zadužuje se Služba za opću upravu, društvene djelatnosti i boračka pitanja općine i Služba za zajedničke, finansijsko –računovodstvene i poslove budžeta općine.

#### Član 9.

Ova Odluka stupa na snagu danom donošenja i objaviće se na općinskoj web stranici ([www.opcinacelic.com](http://www.opcinacelic.com)).

#### Član 10.

Stupanjem na snagu ove Odluke prestaje da važi Odluka br:02-11-391/20 od 30.01.2020.g

Broj:02-11-732/21

Čelić,24.02.2021. godine

*Čeloceca - Općina*



OPĆINSKI NAČELNIK

Admir Hrustanović